



Broj: 01-07-10-100-6/2025
Datum: 3.4.2025. godine

IZVJEŠTAJ O ZAPRIMLJENIM I RIJEŠENIM ZAHTEJEVIMA ZA PRISTUP INFORMACIJAMA U 2024. GODINI

Ovaj Izvještaj je dio izvršenja zakonske obaveze propisane članom 17. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23; u daljem tekstu: Zakon).

Visoko sudsko i tužilačko vijeće Bosne i Hercegovine (VSTV BiH/Vijeće) je u 2024. godini, zaprimilo **121 zahtjev za pristup informacijama te 10 žalbi** izjavljenih Žalbenom vijeću pri Vijeću ministara Bosne i Hercegovine (u daljem tekstu: Žalbeno vijeće) koje su obrađeni u skladu sa odredbama navedenog Zakona. Tražene informacije odnosile su se na statističke podatke iz Sistema za automatsko upravljanje predmetima u sudovima i tužilaštvima (CMS i TCMS) i druga pitanja u vezi sa CMS i TCMS-om; podatke iz disciplinskih postupaka protiv nosilaca pravosudnih funkcija; informacije u vezi sa imenovanjima nosilaca pravosudnih funkcija, uključujući konkursne procedure, razrješenja dužnosti i sl.; informacije iz istraga i tužbi te statuse predmeta Ureda disciplinskog tužioca VSTV-a BiH; informacije o vremenskim rokovima za postupanje u predmetima, zastarama krivičnog postupka i poduzetim aktivnostima u vezi sa istima; kriterije za ocjenjivanje, prosječnu ocjenu nosilaca pravosudnih funkcija i dr.; biografije, nacionalnu, polnu strukturu, primanja za vrijeme suspenzije i lične finansijske izvještaje nosilaca pravosudnih funkcija; pitanja u vezi sa Zakonom o VSTV-u BiH te drugim podzakonskim aktima VSTV-a BiH; pitanja iz oblasti kadrovske politike i finansijskog poslovanja VSTV-a BiH; podatke u vezi sa sjednicama VSTV-a BiH; podatke o članovima VSTV-a BiH; te informacije koje su van nadležnosti VSTV-a BiH. Detaljni prikaz svih zaprimljenih zahtjeva dostupan je na web stranici VSTV-a BiH u kategoriji Odnosi sa javnošću/Izvještaji o zaprimljenim zahtjevima za pristup informacijama.

Od navedenog ukupnog broja zaprimljenih zahtjeva za pristup informacijama, 88 zahtjeva su uputila fizička lica, u 12 slučajeva podnosioci zahtjeva bila su pravna lica, te je registrovan 21 zahtjev koji su uputili novinari različitih medijskih kuća.

Pristup informacijama odobren je u 50 predmeta, odnosno u 44 predmeta je postupljeno u skladu sa članom 25. stav (1), a u vezi sa članom 26. stav (4) Zakona, dok su dodatno u dva predmeta, pored dostavljanja informacija u skladu sa navedenim odredbama zakona, podnosioci zahtjeva informisani da je dio traženih informacija javno dostupan na web stranici VSTV-a BiH, u jednom predmetu pored dostavljanja traženih informacija podnositelj zahtjeva informisan da se dio zahtjeva ne smatra „informacijom“ u smislu odredbi člana 5. stav (c) Zakona, u dva predmeta upućena je obavijest u formi e-maila u skladu sa zahtjevom podnosioca, te je u jednom predmetu izdato rješenje kojim je odobren pristup informacijama u skladu sa presudom Suda Bosne i Hercegovine, kojom je uvažena tužba podnosioca zahtjeva te poništeno prvostepeno i drugostepeno rješenje VSTV-a BiH iz 2022. godine.

Djelomično je odobren pristup informacijama u 14 predmeta, na način da je podnosiocima zahtjeva dostavljen dio informacija, dok je u preostalom dijelu u četiri predmeta odbačen zahtjev zbog neposjedovanja traženih podataka, u dva predmeta dio zahtjeva je upućen nadležnim institucijama na postupanje, te je u preostalih osam predmeta

odbijen pristup dijelu informacija u skladu sa zakonskim odredbama o ograničenju pristupa informacijama.

Dodatno, u odnosu na **ponovljeni zahtjev** za pristup informacijama u **jednom** predmetu, podnosilac zahtjeva je upućen u pojedinosti ulaganja žalbe nadležnom tijelu.

U navedenom periodu zaprimljeno je **13 zahtjeva koja su van nadležnosti VSTV-a BiH**, te su, shodno zakonskoj proceduri, proslijeđena nadležnim tijelima na dalje postupanje.

Pristup informacijama **odbijen je u 10 predmeta**, te je u **devet predmeta** upućen **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) Zakona.

Sedam zahtjeva su zaključkom odbačeni kao neuredni jer nisu sadržavali obavezne elemente ni nakon upućivanja korigovanog zahtjeva za pristup informacijama te su u **dva zahtjeva zaključkom odbačena zbog nenadležnosti**.

Dodatno, u **15 predmeta** upućena je **obavijest da se podnesak ne smatra zahtjevom**, u skladu sa članom 23. stav (6) i članom 26. stav (2) Zakona, budući da zahtjeva analitiku i kreiranje nove informacije.

U navedenom periodu, upućeno je **10 žalbi Žalbenom vijeću**, od čega je osam riješeno na način da je Žalbeno vijeće donijelo rješenja kojim su žalbe odbijene kao neosnovane. U skladu sa rješenjem Žalbenog vijeća po jednoj žalbi na rješenje VSTV-a BiH iz 2022. godine, Vijeće je postupilo u skladu sa presudama Suda Bosne i Hercegovine, na način da je postupak vraćen VSTV-u BiH na prvostepene odlučivanje. Naime, doneseno je rješenje kojim je odobren pristup dijelu informacija, dok je u preostalom dijelu zaključkom odbijen pristup informacijama zbog neposjedovanja istih. Nadalje, doneseno je jedno rješenje kojim je Žalbeno vijeće obustavilo postupak u vezi sa žalbom na šutnju uprave budući da je žalba izjavljena preuranjeno, odnosno VSTV BiH je odgovorio na zahtjev za pristup informacijama prije zaprimanja žalbe na šutnju uprave.

Sastavni dio ovog Izvještaja čini detaljni statistički pregled zahtjeva za pristup informacijama koje je VSTV BiH zaprimio u skladu sa Zakonom u formi Excel tabele i dostupan je na web stranici VSTV-a BiH u kategoriji Odnosi sa javnošću/Pristup informacijama/Izvještaji o zaprimljenim zahtjevima za pristup informacijama, odnosno putem linka: <https://vstv.pravosudje.ba/vstvfo/B/141/kategorije-vijesti/1219/1224/121516>.

Izvještaj sačinila:

Edisa Šikalo, službenica za informisanje